

Ola elmotieg oetjategemg 10 maila na tofjio elgepeneg asogömigageneg gataoöoleega na oegela oetganegeg oetjiegoeleg na tofjio pögtalogolg teloisig sipog pitjipogoega. Nin B. C. Gangaoti.

ONAMIAGIG patias Gillis tan geinamoaseniga Inoga esgisögnig pilloel flapaloessigtog, eglmotieg nagtegsep Christmas Island getoi noeleoimgeg 18 res. tepp.

EPEGOITG—gtjigos 26 tes.—Notjinen oelltasi ntolgemolin otjit tan tell outasoltieg nemitoeg alames teppig noeleoimgeg amagoes etj alamesig ola lnoi menigog. Oell gematasigep alasotmögööm, ag mset gögoel oell angamgog lamigoöm. Nin L. P.

EPEGOITG gateoi sipog—8 pon. 09—tet elmotieg nesigeleg Agostin, ag Tjötjittj ag mesgig Sösep Pelnal. Agostin mtögömel eltögöl, log oell otjlag soleoel, telaotigel neote sens metjtin tan pa getoi telgig; Tjötjittj agpenig eltögöl telaotigel \$7 latosan; gato Sösep temigenatgol eltögöl, ag oelaoilgel 18 sensel neotetjg. Ag telsetma San Lamoli sagmao elletag pastonga. Nin Aittj.

Na elp eolgasig agiasieoel agnotemagani oigatigenigtog (Patriot 12 Dec. 08), tan tell mesoasis Inoplisiteg ag tell gtogonis Plansoe Pelnaleg migmaoatjel galoseollitjel.

PÖGOMIEG—pon. 17 tes.—pogoelg gataga ag gapesaga, gato mögoe aotiga, pa sig 20 sent latosen gatag ag 5 sent gapesag. Atignetaleg gemotjegatieg Poteltobel getantoeg, agemtog nigemanag Tjansenig elattitjg nipogtog natji psaatitjel na oentjiamel temtesegp ogat, tögo metögöalattijel negemela, ag netolsgetotjel telaotitjel 50 sent mgesenela. Nin P. T.

PIOGTOG oalmg—pon. 3 tes.—Gelnögöoagn igag ola otanga melgigenag, malpaleolt teloitieg tjiginpags, neotetjittj gisigolsg teloitieg gaopags, soel telatoeg ngoti apigöta; Gato menag oen oetji npog. Neotetjittj epit oetji mitogoeet segepenegatig, na negem pegisittög etog ola otanga; ag mset getmetögles Loi Gen otepitemel na gis oelölititjg, aptj Toma Plansoe onitjin gagi olölititjg, ag Tjin Migisai onitjin gagi olölititjg, na nogo me pami gesinogottitjg. Nin T. P.

LISTOGOTJG ponaneolmgeg lapigöt getjittjitasigsep omplan tlia mögoe melgignanog, 14 oentjigöömel gepitjögnaasigepenele gelogonag, tjel mögoe gis mesol maol alasotmamegsep olegeolmgeg ag nesigol agentieolmgel, agato maoen oetji npog.

Pesami Lapöpög nepgag 28 tesogoni-

liteg tepp. opsgoninemgeoeigtog, 20 tesiponatag.

Anselig Oenotj apl mitogoet listogotjittjg.

Tell ginamotjig mttjoatjittjg alasotmögööm asogömtesilitji tepgenesitji, tanig niganpogottjig, Lisl Tömni 85 tepmasit, Sosan Lapöp 83, Toma Sataiö 50, M. Tjen Pasg 50, Malgelt Metöt 45, Nastasi Sol 45, Aig Möllisön 41, Mili Palnapi, 40.

Sagmao N. Lortie natji mttogoalansenel istogotjg ogoisel maitjeoetjel anlapsolnol nagoeg getoi löitemasilliteg 17 pon. tepp. otjit lapotjo oteli anlapsolnoln. Elp eli mttogoalansenel lno sagmal ag elmieteg oell molgottetgesenel tesigel nemitögol.

ELMSTELG

12—27—08

Ola tet negotetjittj maitjeoetj tjinm Nepg Poli Göp teloisitieg opsgoninemgeoeel tjlelatj tapoinsgegitponatag tjei sist tögo oelinpgag. Patias sist oetjleta Mesgigeg otgotamgega.

Na nego esgoletjig ola tepao tögo me oelölititjg. Ag elt alt me gittjga eomottitieg tan teli olölititija tan teli pgtjlag Noeleoimgega. Mo segolsgatitgol gato etogo pogteoitigel oelölimasotioala gato alt etogo eolgisg atöitjel me gittjgaa.

Tesetmaleg lapigöt lnoigtogo segepnegatig opapgesasina ag Pigtogoa gato mnag me notmaoeg oen o otjinpna. Ag Notmaleg negotetjittj pillet sipogap oegöpegitg pml sigogoeitji esg mo giaspi pgtjtenogo pögömgeg otli atjalana ami agti mimgoatottj tögo gtegig sipogapag pel osgioa. Na na telsetmaleg ola teta gsmotogo ola net gteg Maleooti pögtji lisotasig. Ninen na mögoe mimgoatog.

Nin Gosgag

GETANTEGEOINOG

GOSPEMIG 26 tes, noel, tepp.—tan oen maol gelog telategetj na Tjani Nagot göspemg maol mgeteg angodoel; na nogo esgoletjig mo lmin gögoel, metj eta oögois tegetjittitj nepattjg; Ag Aisig Pal ag Enli Nagot ingototattitj klamo; nogo na tan oen mesel nepattjel tiamol, nogo tög oelasilittj inotögtjittj nepattjel nogo atagetj olategemgeoei. Southampton Pal Pigto ag gteg tjinem tapotattitji tiamo. Piel Olmet ag Matleo ep tapotattitji. River Herbert Gappil Hood ag ogoisel ept tapotattitji. Pa sig na Gappil lög gesitogoeit 30 neg. tepp. ogoat soel temtögge; mögoe nige gis apögönemaslog; tögo tjinem pigoelmattji onitjanittja, oigmatja nepellpena nipeu getoi setaneolmgeg 16 tes. tepp.